

C A I B. XV.

C A I B. XV.

AN déigh nan nithe sin thàinig focal an Tighearna gu h-Abram ann an taisbeanadh^a, ag ràdh, Na biodh eagal ort, Abraim: *Is* mise do fgiath, agus do dhuais ro-mhòr.

2 Agus thubhairt Abram, A Thighearna Dhé, ciod a bheir thu dhomh, is mi 'gimeachd^b gun chloinn, agus *gur e* Eliezer fo o Dhamascus fear-riaghlaidh^c mo thighe?

3 Agus thubhairt Abram, Feuch, dhomhfa cha d'thug thu fhlochd^d *air bith*: agus feuch, 's e neach a rugadh a'm' thigh a's oighre orm.

4 Agus feuch, *thàinig* focal an Tighearna d'a ionnfuidh, ag ràdh, Cha bhí e fo 'na oighre ort; ach esan a thig a mach a t'innibh^e féin, bithidh se 'na oighre ort.

5 Agus thug e leis a mach e, agus thubhairt e, Amhairc a nis suas gu neamh, agus àireamh na reulta, ma's urrainn thu'n àireamh: Agus thubhairt e ris, Mar fo bithidh do fhlochd.

6 Agus chreid e anns an Tighearna; agus mheas e sin dha mar ionracas^f.

7 Agus thubhairt e ris, *Is* mise an Tighearna a thug a mach thusa a h-Ùr nan Caldeanach, a thoirt dhuit an fhearainn fo, chum a shealbhadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbhaich mi e?

9 Agus thubhairt e ris, Gabh

dhomhfa agh thri bliadhna dh'aois, agus gabhar^g thri bliadhna dh'aois, agus reithe thri bliadhna dh'aois, agus tur-tuir, agus columan òg.

10 Agus ghabh e dha féin iad sin uile, agus roinn e iad 'fa' mheadhon, agus chuir e gach aon do na mìribh fa chomhair a leth-bhreac, ach cha do roinn e na h-eoin.

11 Agus 'nuair a thàinig an eunlaith a nuas air na cairbh^h, dh'fhuadaich Abram air falbh iad.

12 Agus 'nuair a bha ghrian a' dol fuidhⁱ, thuit codal trom air Abram; agus feuch, thuit uamhann dorchadais mhòir air.

13 Agus thubhairt e re h-Abram, Biodh fios gu cinnteach agad, gu'm bi do fhlochd 'nan coigrich annan dùthaich nach leo féin; agus ni iad feirbhis doibh, agus buinidh iad gu cruaidh^k riu ceithir cheud bliadhna.

14 Agus mar an ceudna air a' chinneach sin d'an dean iad feirbhis, bheir mise breth: agus 'na dhéigh sin thig iad a mach le maoin mhòir.

15 Agus théid thusa dh'ionnfuidh t'aithreachan'an sìth; adh-laicear^l thu 'n deagh sheanaois.

16 Ach anns a' cheathramh linn thig iad 'an fo air an ais, oir cha'n 'eil aingidheachd nan Amorach fathast iomlan^m.

17 Agus 'nuair a bha ghrian air dol fuidh, bha dorchadas ann; agus feuch, àmhuinnⁿ dheataich agus leus teine^o a chaidh eadar na mìribh sin.

^a foillseachadh, fealladh. ^b subhal. ^c stiùbhard. ^d slol, gineal.
^e a d' leasraich. ^f fhreantachd. ^g gabhar bhainionn. ^h clofaichibh.
ⁱ dol fodha. ^k buinidh iad gu h-cle, sàraichidh, pianaidh. ^l clodhlai-
 cear. ^m fathast làn, air teachd fathast gu h-àrd. ⁿ fulmnis. ^o lèch-